

Nuuk 30/11/10

Tusarniaanermut akissut – Assartuussineq pillugu Isumalioqatigiissitap Pissusiusinnaasutut takussutissiaa

Aallarniutigalugu pissusiusinnaasutut takussutissiap tusarniaassutigalugu nassiunneqarneranut qujavugut. Takussutissiaq pitsaasutut paasilertoruminartutullu isigaarput, tamannalu ajornartorsiutit imaannaangitsut oqaluuserineqarnerat eqqarsaatigalugu assut iluaqutaavoq.

Ilaatigut nunami maani takornariartitsinikkut attaveqaatitigut annerusumik aningaasaliissuteqarnissamik aalajangiiniartarnikkut sivitsortumik nalornisooqqaneqarmat nuannaarutigaaarput nalunaarusiassaq naammassiguni inassutinik aalajangersimasunik arlalinnik naalakkersuinikkut aalajangiiffigineqariaannarnik imaqarumaarneranik isumalioqatigiissitap kissaateqarnerminik ersersitsinera takusinnaagatsigu.

Ineriartortitsiffiusussatut takorloorneqarsinnaasutut takutinneqartut allakkiami tunngavigineqartut isumaqarpugut piviusorsiortuussut qularnanngitsumillu ukiuni aggersuni 20-ni aatsitasanik ikummatissanillu iluaquteqalersinnaanermut sanilliullugit mianersortumik pissusioreersunik attassiniarfiullutik.

Periarfiusinnaasoq 4, qupp. 30, eqqarsaatigalugu apeqqutaajuarpoq aluminiumik aatsitsiviuersinnaasup tamakkiisumik maanimiunik sulisoqarsinnaanissaa, tamatumalu nassataanik illoqarfiit allat nunaqarfiillu inoqassusiinut sunniukkumaarnissaa naatsorsuutigissallugu piviusorsiortuunersoq.

Skemami 5.4.1-imi aqqutigineqarsinnaasut assigiinngitsut marluk sammineqarput (1199 meterinik aamma 1799 meterinik mittarfeqarlersinnaaneq eqqarsaatigalugit). Aqqutigineqarsinnaasuni assigiinngitsuni 2-mi tamanna takornariartitsinerup iluaqutaassangatinneqarpoq. Aqqutigineqarsinnaasuni assigiinngitsuni 1-imut tunngatillugu aamma taamatut isumaqarpugut, taasariaqarporli angallanneq Narsarsuakkoorunnaarsillugu (nunap immikkoortuani tamaani nunakkoortumik takornariartitsisarnerup annersaa ullumikkut tamaanga eqitersimammat) Qaqortukkuulersinneqarnissaatigut takornariartitsisarnerup qanoq sunniivigineqarnissaa nalunarmat.

Skemami taaneqarpoq piffissaq tikiussuinerup aallarussuinerumullu atorneqartoq aqqutigineqarsinnaasuni assigiinngitsuni 2-mi takornariartitsinerup ineriartorneranut akornutaanerpaasoq. Matumani taasariaqarpoq piffissamik atuinerusariaqarnerup saniatigut ungasissutsinik isumaliortaatsikkut paasinninneq Kangerlussuarmi aamma timmisartumut allamut nuttariaqartarnissakkut aamma pitsaanngitsumik sunnerneqarumaartoq. Angalatitsiviusuni allani misilitakkatigut paasineqartoq tassarpiaavoq timmisartumut allamut aammaarluni nuuttariaqartarneq orninniakkap ungasissusianik eqqarsartaatsikkut paasinnittarnerup pitsaanngitsumik sunniuteqarsinnaasoq.

Qupperneq 51-imi titarnerit tallimaanni naqinnerliuisoqarsimagunarpoq: 1 kr. 1 mio. kr.-inngorlugu naqqittariaqarunarpoq?

Immikkoortoq 5.6-imi. qupperneq 60-imi immikkoortut aappaanni paasinarsisinnerqarpoq mittarfiup Narsarsuarmiit Qaqortumut nuunneqarneratigut piffissaq ilaasunik angallassiffiusartooq sivitsorneqarsinnaalissasoq, tassa Narsarsuarmut tassanngaanniillu umiartortitsineq sikorsuaranit Qaqortoq aallaaviulissappat umiartortitsinermut atatillugu ajornarsisinnerqartarneranit sivi-sunerusumik ajornarsisinnerqartarmat.

Taamaanneraaneq eqqumiiginalaarpoq, tassami sikorsuit sinerik atuarlugu nalliusimaartarmata. Aasaleqqaarnerani sikorsuit ajornartorsiutaasernerujussuannut pissutaagajuppoq umiarsuit Qaqortumut tassanngaanniillu ingerlasinnaajunnaartarmata, massa Narsarsuup Narsallu akornanni umiartornikkut ajornartorsiornanngikkaluartoq. Taamaattumik tunngavilersuutiginnerqartoq allanngortittariaqarpoq; ilaasut sikorsuit nalaanni Qaqortuliartussat timmisartukkut toqqaannartumik ingerlasinnaalernerat ilaasunik umiartuussinermi ajornartorsiutinik qaangiisitsisinnaavoq – taamaattorli Qaqortumiit Narsamut, Alluitsup Paanut Nanortalimmullu umiartuussinermi ajugaaffiginiagassat taamaaginnassasut naatsorsuutigisariaqarpoq.

Narsarsuup kangerluata ukiukkut sikuusarnera tamatumani eqqarsaatiginnerqarsimappat tamanna paasinarneruvoq, tassa ukiup qaammataani Qaqortumiit umiartortoqarsinnaassammat – taamaassimappalli oqaasertaat allanngortittariaqassapput.

Narsarsuup matuneqarneranut aningaasartuutit Ilaliussaq 1-imi takussutissiarinnerqarput. Takutinnerqartuni illuutit assigissaallu pisortanit piginnerqartut kisiisa ilanngunneqarsimapput. Isumaqarpugut illuutit namminersortunit piginnerqartut (vandrethjem, illuinnaat inunnit piginnerqartut il.il.) mittarfiup matuneqarneratigut aningaasartuutitut inunntut ataasiakkaanut suliffinnullu tuttussatut taanngortittariaqartut.

Naggasiullugu taassavarput Nunatsinni Takornariaqarnermi Inuussutissarsiornermilu Siunnersuisoqatigiit isumaqarmata Narsarsuaq matullugu mittarfeqarnerq Qaqortumut nuunneqassasoq aalajangiunneqassagaluarpat nunap immikkoortuanut tamaanga timmisartuussisarneq inuussutissarsiutinigullu ineriartortitsineq siunissamut qulakkeerumallugit 1799 meterinik mittarfiliortoqartariaqartoq inissiffissaq 3-miittussamik. Taamaaliornikkut nunap immikkoortuata aamma siunissani nunanit sanilerisanit toqqaannartumik timmisartoqartarnissaa, aamma timmisartut atornerqarsinnaasut assigiinngitsut ikittuaraannaat kisimik isumalluutiginnerqalinnginnissaat qulakkeerneqassapput – tassami taamaattut Kalaallit Nunaanni mittarfinni allani ajornartorsiutaasut malunnarsivereerpoq.

Inussiarnersumik inuulluaqqusillunga / Med venlig hilsen

Anders la Cour Vahl
Pilersinniakkanut Attaveqatigiinnermullu pisortaq